

## Universitätsbibliothek Paderborn

### **Asiaticae Historiae Societatis Iesv Pars ...**

Libris Qvatvor Conseqventibvs Pertexens, Quae post beatum S. Xauerij  
Obitum Soc. Patres ad Dei gloriam in iisdem Prouinciis gessere

**Bartoli, Daniello**

**Lvgdvni, 1667**

30. Rex Omuræ hostes suos profligat.

**urn:nbn:de:hbz:466:1-11445**

Ils requisitam , nusquam vidi , quod amarè dolenti , fingenique animo variam facti causam , adest remigio celeri è terra Phaselis , nauique ipsius ex aduerso consistit immobilis , inde alter eorum à quibus solis agebatur , magna voce , vetat illum pedem in solo ponere , quin & priusquam illucesceret sequens dies portu edicit facessere . Arimæ Regem Xengandonum cuius nomine hæc iubebat , nolle suis usquam in ditionibus Magistros . legis quæ tantum malorum filiis intulisset , orbassetque regno alterum , quod esset Christianus ; alterum quod Christianus esse vellet : quibus dictis omnem peroulitans vicatim Cocinozum pœnam capitis repetito præconio indixit omnibus quicumque testum Almeidae præberent . Quare solus in portu , à terra procul diem illum egit , nisi quod nocte intempesta , Christianorum nobilium ad eum cimba tacitis remigibus accessit , consolatura magis afflictum tot cladibus , quam leuamentum aliquod ab eo acceptura . Excusata enim necessitate negandi hospitij , postremo supplicio indicta ; de sua suorumque Cocinozensium in Christo firmitate dixerat tam assueranter ut Almeidae lachrymas cierent , tam alacri laeto eorū generositate , erat enim & huius Christianitatis quodammodo parens , qui porrò esset in præsenti rerum status ex iis didicit , redisse Xengandonum ad Regni clauum ; Bonziorum impulsu natorum maximum Arimæ Regem damnasse exilio ; religiones auitas , Christo ciurato , imperasse omnibus Christianis , & succisa cruce templum solo æquasse ; at enim aiebant magnificè ; nos ad saxa & ligna de genibus colenda , quis tandem mortalium adigat ? & Deo debitos honores , demoni à nobis extorqueat ; mille prius cum uxoribus & liberis oppetemus mortes . Potest nobis Xengandonus vitam , Christum eripere non potest : flagitabantque ex Almeida exorari sibi à Deo seu vitam seu mortem , utrumvis illi placuisse , tantum professione non indignum sanctimoniam Christianæ , hinc post mutuas salutationes hi ad sua regressi ; per gens Almeida , Vocoxuram Septembbris 20. legit .

Quadragesimus currebat dies ex quo Bartholomeus Rex nunc obse-  
fus , nunc profugus , nunquam cœlesti auxilio , nunquam fide in Christum Rex Omuræ  
solida defectus , vitam agrè per casus varios trahebat , cum visum deni- hostes suos  
que summo Regi restituere illum in suam Omuram , si minus tranquilla profligat .  
in pace , Regni saltem recepti potentem , & dominum , quod significare  
Turriano non distulit , datis ad eum per illustrem clientem autographis  
literis , quibus paucas solum notabat arces quæ adhuc starent à perduel-  
libus . Regis victoriam , veluti propriam celebrauere . Vocoxuræ naues  
oneraria & longa , tormentorum fragore , & diuersorum ignium festa  
luce . Gratulaturus Regi Turrianus , vices suas commisit sancto seni , qui  
Firandensi olim Regi ab secretis Scriba , tunc Patrum adiutor præconem  
Euangelij agebat , eratque Christianis adeò venerandus ut in eius ample-  
xum Rex ipse interdum procuraret , patremque nominaret . Turrianum  
suum noua per hunc salute impertit , spondens ut primum Regni motus  
interquierent , profecturum se ad eum visendum , se iam Faribum Lu-

Z z. 3 douici

douici proditorem sicarium; se Gottondonum nothum obfessos premeret, nec posse ab iis obsidionem diu sustineri, sed haec quidem illius spes praesens, nam fuit ea spe longè victoria plenior, quam verò & Regno profugus, & in Regnum tenuerat, & inopinatis iterum actus periculis, immobilem animum, & inflexam aduersis, semperque victoricem Christo fidem seruarit mirabile dictu est, mille ipsum & rationibus, & ministris & precibus versare conati sunt Xengandonus parens, aliquie extranei Principes, quibus verba omnia responsione vna consueuit eripere malle se Christianum esse quam Regem, vel hac solùm ex causa dignus Christianissimi titulo quo illum Iapones & Lusitani decorarunt: duas illi mos erat de nocturna quiete horas precando demere, nomen Iesu augustum, utroque ex humero, crucem à pectore, precatoriā ē Zona coronam nunquam depositus, habuitque semper pro insignibus regis: duobus suis beneficiariis dinastis, vel auaritia, vel ignauo metu in apostasiam prolapſis, caput iussit illico abſcindī, perduelles sibi non minus quam Deo arbitratus, & flocci astimans quicquid inde tunc sequi pronum erat cùm parandi magis recentes amici quam perdendi veteres viderentur; enim verò non commisit Deus tam religiosa consilia in auctoris pernitiem vertere, ac licet ipsius excoquendae virtuti, formandaeque illius exemplo aliena, ferre suppetias laboranti tantisper distulerit, sed hoc ed tandem magnificenter quod serius præstít. Collecta enim denuo rabie, anno eius æui sexagesimo quarto Septembri mense armavit in eum Rex Firandi centum quinquaginta nauigia; Gottondonus decem supra centum; Fatiibus sexaginta, impositis cuique canteriatis duodecim catapulsariis, omnes Omuram contendunt. Excipiendæ huic nubi pro virili sua Bartholomeus quoque occurrit alacris, & quanquam numero, & audacia suorum multo inferior, confitus tamen causæ bonitate in qua Religionis periculum vertebarat, certò Deum putauit sibi propitium adfore, ac missum quidem à Turriano vexillum cruce picta insigne præferri iussit exercitu vniuerso veluti clypeum; verum aliud accepit cœlitus, quo in spem victoriae multò certius est erectus, dum enim suos in hostem ordines dirigit, ecce illi de cælo pulcherrima specie crux ingens obiicitur quæ vt cumque vel soli, vel exercitui conspicua, haud minus ipsi, quam olim Constantino, triumphi extitit pignus, & victoriae nuntia. In quartum diem Octōber processerat, exscensione facta hostis, Omuram versus ferebatur discincto similior & victori, quam ad pugnam accincto, vt qui sibi securus, & tumens viribus de belli exitu nesciret ambigere. Sed cùm ad Omuram configendum putasset, meliori consilio Bartholomeus urbe procul, montis dorsum insidiis legerat, quo intercipere medium eius iter, & si minus posset agmina fundere, improvisus saltem incautis ingrueret, eaque turbaret, cuius à Deo, vt creditur, hausti consilij exitum ita qui suggesserat fortunauit, vt vnum idemque fuerit hostem coram cerneare, fundere, profligare: quadrigenti ex iis eo prælio cœsi; debilitati vulneribus multò plures, in naues cæteri se fuga abdidere, insistens victoriae

Rex



Rex, arcis tres suas hosti eripuit, tantumque inualuit ut posset deinceps iis esse formidandus à quibus fuerat lacefitus. Praefectus armorum Firandensis, suorum post cladem reducens reliquias, nec satis intelligens qui tandem Rex Bartholomeus, valuisset tam paucis, & vilibus, tam multos bellisque exercitos frangere, superiorem quandam, ut erat vir prudens, eius victoriae agnouit causam; nec Bartholomeo, nec eius militi, sed Christianorum Deo illam attribuit, pro cuius obsequio, & fide, nec imperio nec vita Bartholomeus pepercera. Domitis hac pugna ex parte hostibus, compulsiisque ad rogandam pacem, Turriano donum crucem auream misit, qua ipse Christi miles ad peccatus conspicua, pugnae campum ingressus fuerat, monens eius virtute se ex certaminibus victorem, è periculis saluum saepius euasisse; haberet illam sui amoris pignus; eius vice ad se aliam mitteret, hoc solo sibi maiori futuram in pretio; quod eius è manibus venisset.

Voxura tunc aberat Turrianus, & Taraxe portu Regni Fingensis morabatur Bungensi imperio subiecti: eò se Februario Voxura incensa contulerat anno 1564, nosque illum affectabimur scribendo; si pri-  
mum, in flexu occiduo eius in qua versamur insulae memoratu digna, in-  
dicauerimus. Quo die Fuaxem Turrianus, eodem soluit Tacuximam Froes, expeditus ab Antonio illius ut dictum saepius dynasta, illic men-  
sem iam vnum F. Io. Fernandez indefessam Deo nauabat operam, cuius non potuit tam citò Froes aliquod ferre leuamentum, quod febri tenere-  
tur pertinacissima, & plusquam trimestri; ex qua breui, pleneque conua-  
luit, fuitque sanctorum illorum in eo curando tam sollicita & constans,  
tam dia noctuque æmula & profusa beneficentia ut si ipsorum parens  
esseret, sed nec parcè illis vicem retulit Froes decem mensum labore sedu-  
lo, quo illos in eum (Fernande comite) virtutis eximiae prouexit gradum,  
ut eius spectator sapiens Lusitanus, nihil se in illo ultimo Oriente mira-  
bilius vidisse, ad amicum scribat [ mihi planè, inquit, persuasum est has  
duas Antonij insulas, inhabitari à Spiritu sancto Tacuximam, & Ichil-  
ceuchim, nec est qui possit, nisi per se spectarit, statuere, cuiusmodi sit  
hæc hominum natio ab idolis ad verum, rectumque conuersa, in hoc orbis  
antehac ignoti postremo cardine, hac innocentia, & asperitate vita ultro-  
nea, Christianos non vidi quales Tacuximæ, quæ se ita totam Christi no-  
mine ostentat, ut nec vna nocte hospitem admittat eradicum, sextis  
hebdomadæ per anni decursum feriis, dum Litanias decantaret Pater,  
magris in semet ardenter viri, pueri, parentes, filij, tam religiosa pietate  
seuebant, vt possent è saxis lachrymas ducere; eorum complures ut vi-  
tri sic foeminae, ex propriis domibus ad crucem in colle positam, in quo  
humantur Christiani, adrepunt genibus, orantes si videris, nullum iis  
Monachorum Conuentum prætuleris; idemque de iciuniis ferti iudi-  
cium; mihi quidem, illos dum attendo, non videor esse Christianus; nam  
illorum ex ore, præter diuina, & cantica, solutis, strictisque numeris de  
Deo, de Virgine, de Christi natali nihil auditur, nec sunt pessimò nostro

31.  
Sanctitas  
Christ. Ta-  
cuximense.

Z z 4 more

